



Оятнинг маъноси шуки, кўпчилик кишилар «Иймон келтирдик», деб айтсак, шунинг ўзи кифоя қилади, биз ҳақиқат йўлида юрган бўламиз, деб ўйлайдилар. Улар бу йўлда имтиҳон, синовга дучор бўлишларини унутиб қўядилар. Аллоҳ таоло аввалги умматларини турли синовлардан ўтказган. Шундан сўнггина ростгўйлар ёлғончилардан ажралиб чиққан. Исломда нажотга эришиш фақат «шу динга мансубман» дейиш билан бўлмайди, балки кенгчилик ва қийинчилик соатларида Ислом таълимотларига бир хил амал қилган кишигина ҳақиқий мусулмон бўлади. Дунёдаги яхшилик ҳам, ёмонлик ҳам аслида имтиҳон учундир.

Аллоҳ таоло Муҳаммад сурасида шундай марҳамат қилади:

﴿الْخَبَارُ كُؤُوبِنَبَلُؤَا وَالصَّيْرِيْنِ مِنْكُمْ الْمَجْهِيْدِيْنَ نَعَاَمَ حَتَّىٰ وَنَسَبَلُؤُكُمْ﴾

**«Ва таъкидки, сизларни синармиз, токи, сизлардан мужоҳидларни, сабрлиларни билсак ва хабарларингизни имтиҳон этсак» (31-оят).**

Анбиё сурасида:

﴿تَرْجَعُوْنَ وَاِلَيْنَا فِتْنَةٌ وَالْخَيْرُ بِالْشَّرِّ وَنَبَلُؤُكُمْ﴾

**«Сизларни ёмонлик ва яхшилик ила имтиҳон учун синаймиз ҳамда Бизгагина қайтарилурсиз», дейилган (35-оят).**

Мулк сурасида эса:

﴿اَعْمَلَا اَحْسَنَ اَيْكُؤُوبِنَبَلُؤُكُمْ وَالْحَيُؤَةُ الْمَوْتِ خَلَقَ الَّذِي ﴿١﴾ اَقْدِرُ شَيْءٍ كُلِّ عَلٰى وَهُوَ الْمَلِكُ بِيْدِهِ الَّذِي تَبْرَكَ

**«Подшоҳлик Ўз қўлида бўлган Зот баракотли, улуғ бўлди. У ҳар бир нарсага ўта қодирдир. У ўлим ва ҳаётни сизларнинг қайсиларингиз амалда яхшироқ эканингизни синаш учун яратди», деган оят бор (1-2-оятлар).**

Ҳаётга шундай назар билан қараш кишиларда юксак ахлоқий фазилатларни келтириб чиқаради. Шунингдек, инсонлар руҳини ёмонликлар устидан ғолиб келишга тайёрлайди.

**“Иймон” китобидан**